

HEADLINES

۱. لیفٹیننٹ گورنر منوج سنہا نے اج جموں مانہہ پولیس دیوالی میلہ غوا افتتاح کیو ہے۔
۲. وزیر اعلیٰ عمر عبداللہ نے کہی و بے کہ جی ایس ٹی کی چرہاں مانہہ نظر ثانی کی وجہ توں ٹیکس وصولی مانہہ ایک ہزار کروڑ روپیاں غی کمی درج کی گئی ہے۔
۳. وزیر تعلیم سکینہ اتو نے کہیو بے کہ نوجوان منشیات گا استعمال سنگ نمڑن تے ایچ آئی وی ایڈس گا بارہ مانہہ آگاہی پھیلان مانہہ اہم کردا ادا کرسکیں۔
۴. کپواڑہ ضلع غا ماچھل سپکٹر مانہہ فوج نے دراندازی کی ایک کوشش نانہہ ناکام بناتا واں دو دہشت گرد نانہہ مار مکایو ہے۔
۵. کٹڑہ غے نزدیک ایک سڑک حادثہ مانہہ ترے یاتری جاں بحق تے دو دوجا زخمی ہو گیا ہیں۔

LG DIWALI MELA

لیفٹیننٹ گورنر منوج سنہا نے اج جموں گا گلشن گرانڈ مانہہ پولیس دیوالی میلہ گو افتتاح کیو مہارا آکاشوانی جموں گا نمائندہ نے خبر دتی ہے کہ یوہ میلو ایک بہت ہی انتظار آلی تقریب ہے جت پورا خطہ گا شہریاں نے پُر جوش شرکت کی تے پولیس فورس تے عوام غے بشکار گہرا رشتاں نانہہ ظاہر کیو اس تقریب مانہہ ثقافت پیش کرن لزید کھانا تے دستکاری کی نمائش کی جائے گی جموں کشمیر پولیس غا سنئیر افسران انتظامی عہدیداراں تے عام شہریاں کی اک بڑی نے میلہ مانہہ شرکت کی جھڑی کہ سماجی ہم آہنگی کی ایک علامت ہے تے عوام تے پولیس بشکار تعلقات نانہہ مضبوط کرے اس موقع ور آئی جی پی بھیم سین ٹوٹی نے ذرائع ابلاغ سنگ گل کرتا واں اس طرح کہیو۔

LG SMVD SHRINE

لیفٹیننٹ گورنر منوج سنہا نے اج ضلع ریاسی مانہہ شری ماتا ویشنو دیوی گفا غو دورو کیو اس دوران اُنہاں نے اُت پوجا کی تے جموں کشمیر مانہہ امن خوشحالی تے سبھاں کی بھلائی واسطے آشرواد لیو گہری عقیدت سنگ لیفٹیننٹ گورنر نے گفا مانہہ روایتی رسومات مانہہ حصو لیو تے یوٹی مانہہ ہم آہنگی تے خوشحالی واسطے دعا کی اُن غے سنگ شری ماتا ویشنو دیوی شرائین بورڈ گا اعلیٰ افسران وی موجود تھا جنہاں نے یاتریاں واسطے جاری انتظامات تے سہولیات بارے گورنر موصوف نانہہ دسیو۔

CM GST

وزیر اعلیٰ عمر عبداللہ نے اج کہیو کہ جی ایس ٹی غی شرحاں مانہہ نظر ثانی سنگ دواں مالی سال مانہہ جموں کشمیر کی ٹیکس وصولی مانہہ ایک ہزار کروڑ روپیاں تک کی کمی متوقع ہے وزیر اعلیٰ نے سرینگر مانہہ ایف آئی سی سی آئی کی قومی ایکزیکیٹیو میٹنگ سنگ خطاب کرتا واں کہیو کہ اس نظر ثانی سنگ مہاری آمدنی مانہہ کمی آوے غی تے جموں کشمیر واسطے یاہ بہت بڑی رقم ہے وزیر اعلیٰ نے کہیو کہ پہلگام دہشت گردانہ حملہ گا نتیجہ مانہہ تے اس سال گرمیاں گا موسم مانہہ بھاری بارشاں نے یوتی کی معشیت نانہہ بُری طرح متاثر کیو ہے اس دوران صحافیاں سنگ گل بات کرتا واں وزیر اعلیٰ نے اس طرح کہیو۔

ITOO MARATHON

وزیر تعلیم سکینہ اتو نے اج کہیو کہ نوجوان منشیات غا استعمال غے خلاف جدوجہد مانہہ تے ایچ آئی وی ایڈس گا بارا مانہہ آگاہی پھیلان مانہہ اہم کردار ادا کرسکیں وہ سرینگر مانہہ جموں کشمیر ایڈس کنٹرول سوسائٹی غی جانب تیں منعقدی 5 کلو میٹر ریڈرن میرا تھن گا موقع ور انٹنسیفائیڈ آئی ای سی مہم 2025 غا وگا ز غے دوران بول ریبا تھا۔ یوہ پروگرام کشمیر یونیورسٹی تیں منعقد کیو گیو جس غو مقصد ایچ آئی وی ایڈس غا بارا مانہہ شعور بیداد کرنو تھو وزیر نیاس قدم غی تعریف کرتا واں کہیو کہ اس طرح کی مزید آگاہی مہمات غی ضرورت ہے تے منشیات غا بدھتا وا استعمال نانہہ روکن غی ضرورت ہے۔

ITOO MD JKWDC

جموں کشمیر کواتین ترقیاتی کارپوریشن کی مینجنگ ڈائریکٹر غے طور ور چارج سنبھالن توں بعد پورنما متل نے سماجی بہبود تعلیم صحت تے طبی تعلیم کی وزیر سکینہ اتو سنگ ملاقات کرغے انہاں نانہہ کارپوریشن کی طرفوں جاری سکیمان پروگراماں تے نواں چایا گیا اقدامات بارے دسیو جس غو مقصد کواتین نانہہ بااختیار بنانو ہے۔ تے جموں کشمیر مانہہ کواتین غی خود مختاری نانہہ فروغ دینو ہے میٹنگ غے دوران مینجنگ ڈائریکٹر نے کارپوریشن کی سرگرمیاں گو ایک جائیزو پیش کوی جس مانہہ بکھ بکھ سکیمان بُنر کی ترقی واسطے چایا گیا اقدامات تے قومی مالیاتی اداراں سنگ مل غے نافز کردہ پروگرام شامل ہیں۔

KUPWARA TERRORISTS KILLED

کپواڑی ضلع غا مچھیل سیکٹر مانہہ بھارتی فوج تے جموں کشمیر پولیس غی مشترکہ کاروائی مانہہ 2 دہشت گرد مارا گیا یاہ کاروائی 13 اکتوبر نابہ خودیہ اطلاع ملن تیں بعد شروع کی گئی تھی جس مانہہ ممکنہ دراندازی غی کوشش غی اطلاع لی تھی چناو کور غا سماجی پوسٹ غے مطابق مستعد فوجیاں نے قبضہ لکیر غے قریب مشکوک حرکت دیکھی تے انہاں نانہہ للکاریو جس غا نتیجہ مانہہ دراندازن نے فائرنگ شروع کردی۔ حفاظتی دستاں نے موثر جوابی کاروائی کرتا واں 2 دہشت گرداں نانہہ مارمکابو موقع ور بڑی تعداد مانہہ اسلحہ تے سامان برآمد کیو گیو کاروائی اجیں وی جاری ہیں تے حفاظتی اہلکار چوکس ہیں۔

KATRA ACCIDENT

کٹڑہ غے قریب اج اک سڑک حادثہ مانہہ ترے یاتریاں کی جان چلے گئی ہے جد کہ 2 دوجا زخمی ہو گیا ہیں یوہ سڑک حادثو اُس ویلے پیش آيو جدیے یاتری ایک آٹو رکشہ مانہہ سفر کرریا تھا تے مخالف سمت توں آئی ایک بس سنگ ٹکر ہوگئی مہارا آکاشوانی جموں غا نمائندہ نے خبر دتی ہے کہ یہ یاتری شری ماتا ویشنو دیوی گفا مانہہ حاضری دین توں بعد سرلی اسپتال تو کٹڑہ غی طرف واپس جارریا تھا یوہ حادثو اس قدر شدید تھو کہ جس گا نتیجہ مانہہ ترے یاتری موقع ور ہی دم توڑ گیا جد کہ دو دوجا زخمی ہو گیا زخمیاں نانہہ علاج واسطے جی ایم سی جموں مُنتقل کردتو گیو ہے حادثہ کی وجہ غو پت ولان واسطے تحقیقات شروع کردتی گئی ہے وزیر اعلیٰ عمر عبداللہ نے کٹڑہ سڑک حادثہ ور ڈھنگا دکھ گو اظہار کیو ہے انہاں نے سوگوار خانداناں سنگ دلی تعزیت کی تے زخمیاں واسطے جلد توں جلد صحت یابی کی دعا کی۔

FIN DEPTT CIRCULAR

محکمہ مال جموں کشمیر نے تمام انتظامی محکمان نانہہ ہدایت دتی ہے کہ مالی اثرات آلی عدالت غا مقدا ابتدائی مرحلہ مانہہ ہی جمع کرائیں محکمہ غی جانب تیں ایک سرکاری حکم نامہ مانہہ کہیو گیو ہے کہ کئی مقدمات دیر تیں پھیجا جیں جس غی وجہ تیں مالیاتی محکمہ غے کول محدود اختیارات رہ جیں تے اکثر قانونی چارہ جوئی غے بغیر ہی منظوری تے فنڈ جاری کرنو پے ایسا حالات تیں بچن واسطے دستاویزات بروقت فراہم کریں جن مانہہ درخواست غی نقل منسلک کاغذات جوابات تے عدالت گا فیصلہ شامل ویں تانجے صحیح طریقہ سنگ جائیزو لیو جاسکے مالیاتی محکمہ نے زور دتو کہ مقدمات غی جلد جمع آوری تیں بہتر قانونی جانچ ممکن وے تے حکومت نانہہ غیر ضروری مالی بوجھ تیں بچایو جاسکے غو۔

SAMBA FARMERS TRAINING

محکمہ باغبانی سامبہ گی مربوط ترقی واسطے مرکز گی طرفوں منظور شدہ سکیم غے تہت جموں کشمیری وٹی غے اندر کساناں غی تربیت غا عنوان غے تحت 40 کساناں واسطے 4 روز تربیتی پروگرام منعقد کیو گیو۔ ڈپٹی کمشنر سامبہ آیوشی سودن نے اس پروگرام نانہہ بری جھنڈی دس غے شروع کیو تے آیا وا کساناں سنگ گل بات کی اس تربیتی پروگرام غو مقصد کساناں نانہہ باغات سرکاری نرسریاں فارماں تے سکاسٹ جموں گا ایکسیلنس مرکز غا بارہ مانہہ بہتر طریقاں سنگ واقف کرانو تھو آکاشوانی نیوز سنگ گل کرتا واں ڈی سی سانہہ نے اس طرح کہیو۔ اسے دوران ایک کسان انگریز سنگھ نے حکومت غا اس قدم غی تعریف کرتا واں اس طرح کہیو۔
